

## REGLUGERÐ

### um útleigu uppboðsíbúða Íbúðalánaſjóðs.

#### 1. gr.

Íbúðalánaſjóði er heimilt að leigja eða fela öðrum með samningi að annast leigu þess íbúðarhúsnaðis sem sjóðurinn hefur yfirtekið á nauðungaruppboði. Íbúðalánaſjóður skal þannig hafa arð af íbúðarhúsnaði sem kemst í eigu sjóðsins og ekki er unnt að selja á almennum markaði.

Um er að ræða skammtímaúrræði sem nota ber í þágu leigjenda sem búa í íbúðarhúsnaði á grundvelli leigusamnings við nauðungarsölu og við sérstakar aðstæður í þágu fyrri eiganda auk þess sem slík útleiga er þáttur í eðlilegri eignastýringu Íbúðalánaſjóðs.

#### 2. gr.

Heimild þessi tekur til leigjenda þess íbúðarhúsnaðis sem Íbúðalánaſjóður hefur eignast á nauðungaruppboði og skal þeim gefinn kostur á því að leigja íbúð áfram með því að gera nýjan leigusamning.

Íbúðalánaſjóði er heimilt að bjóða fyrrum eiganda íbúðarhúsnaðis að búa í húsnæðinu áfram gegn greiðslu húsaleigu hafi fyrrum eigandi íbúðarhúsnaðis fjárhagslega getu til þess.

Íbúðalánaſjóði er jafnframt heimilt að leigja út til nýrra leigjenda fullbúnar íbúðir, sem sjóðurinn hefur eignast á nauðungarsölu og hafa verið rýmdar. Skilyrði slíkrar útleigu er að sýnt sé fram á að skortur sé á leiguþbúðum á viðkomandi markaðssvæði.

Sé gerður leigusamningur í kjölfar nauðungarsölu skal upphaf leigusamnings vera einum mánuði eftir að samþykkisfresti lýkur.

#### 3. gr.

Stjórn Íbúðalánaſjóðs skal setja reglur um vinnuferli og skilyrði umsókna um leigu húsnæðis í eigu Íbúðalánaſjóðs, auk reglna um útleigu, innheimtu á leigu, innheimtuferil og úrræði við vanskil.

Um skammtímaleigu verður ávallt að ræða, þ.e. allt að 12 mánaða leigusamning í senn.

#### 4. gr.

Leiguverð þess íbúðarhúsnaðis sem Íbúðalánaſjóður hefur eignast á nauðungaruppboði skal vera fyrilliggjandi meðalleiguverð á viðkomandi markaðssvæði. Slíkt meðalverð skal byggta á upplýsingum frá sveitarfélögum, leigumiðlurum og leiguþbúðafélögum á viðkomandi markaðssvæði.

#### 5. gr.

Leiti Íbúðalánaſjóður eftir þjónustu starfandi leigumiðlara þá skulu eftirfarandi skilyrði vera uppfyllt:

1. Réttindi til leigumiðlara séu fyrir hendi, sbr. XV. kafla húsaleigulaga, nr. 36/1994, og reglugerð um leigumiðlun, nr. 675/1994.
2. Leigumiðlun sé hvorki á vanskilaskrá né skuldi opinber gjöld.

#### 6. gr.

Um samskipti leigjanda og Íbúðalánaſjóðs eða annarra þeirra aðila, sem sjóðurinn felur með samningi að annast leigu húsnæðisins gilda að öðru leyti ákvæði húsaleigulaga, nr. 36/1994.

#### 7. gr.

Telji umsækjandi um leigu húsnæðis eða leigjandi hjá Íbúðalánaſjóði á rétt sinn hallað af hálfu sjóðsins við framkvæmd reglugerðar þessarar getur hann skotið viðkomandi ákvörðun til kærunefndar húsnæðismála.

Nr. 7

7. janúar 2010

8. gr.

Reglugerð þessi, sem sett er með heimild í 8. tölul. 9. gr. laga um húsnæðismál, nr. 44/1998, sbr. breytingu nr. 138/2008, öðlast þegar gildi.

*Félags- og tryggingamálaráðuneytinu, 7. janúar 2010.*

**Árni Páll Árnason.**

*Óskar Páll Óskarsson.*

---

B-deild – Útgáfud.: 15. janúar 2010